



Rrugat Arbërit



www.rrugearberit.com

GAZETË E PAVARUR. NR. 11 (67). NENTOR 2011. ÇMIMI: 50 LEKË. 20 DENARË. 1.5 EURO.

AKTUALITET

Minatorët e vrarë, familjet në mjerim

Nga: HYSEN LIKDISHA - FAQE 5

PERSPEKTIVË

Mrekullitë e mollës

Nga: DR. SELMAN MEZIU - FAQE 8-9

STUDIM

Oena - qyteti i vjetër i Ilirisë

Nga: DR. ISLAM CANIA - FAQE 6

VENDLINDJA

Brezhdani i urbanizuar që në mesjetë

Nga: FATMIR XHARRI - FAQE 7

Të shpëtojmë Radikën!

Maqedonia i shfrytëzon resurset natyrore të qyteteve shqiptare

Nga **BARDHYL MARKU** *

Dibranë të nderuar,

Më rastisi të takohem me disa persona, me të cilët kohë më parë kemi bashkëpunuar në kuadër të aktiviteteve të mia ambientaliste me shoqatën ekologjike "Deshat" Dibër, të cilët më dhanë një alarm për të cilin mendoj se duhet të sensibilohen të gjithë qytetarët në Dibër por edhe më gjerë dhe të reagojë në mënyrë adekuate.

Bëhet fjalë për planet e ELEM-it (respektivisht të Z. Çingoski) që si e si të risë profitin e kompanisë të cilën ai e udhëheq, duke mos marrë parasysh aspak normat në fuqi për ruajtje të ambientit dhe ligjet pozitive në Maqedoni të cilat rregullojnë këtë sferë.

Dy janë elementet të cilat e tangojnë komunën tonë, ndërtimi i pendës në fushën e Lukovës dhe i asaj ne urë të Boshkut.

Lidhur me ndërtimin e urës së Boshkut nuk kam shumë informata dhe nuk e di se cilat do jenë pasojat për Radikën dhe liqenin e Dibrës, por shpresoj strukturat kompetente në Dibër të jenë më për së afërmi të informuar për këtë plan dhe pasojat e tij qofshin pozitive apo negative.

Ndërtimi i vetë pendës në fushë të Lukovës ndoshta nuk është alarm edhe aq i madh për Dibrën dhe dibranët, pasi ajo do të ndërtohet në pjesë të parkut nacional të Mavrovës, por alarmi për ne ndizet kur kuptojmë se për të furnizuar me ujë këtë pendë të re, do të bëhet kapja e të gjitha ujërave nga pellgjet të cilat sot e furnizojnë lumin e Radikës dhe me kanal special nëntokësor (të gjatë disa kilometra) do ti dërgojnë në liqenin e ri të fushë Lukovës, ndërsa prej atje këta ujëra do vazhdojnë rrugën dhe pasurojnë basenin e lumit Vardar. Pra, po përsëritet diçka e cila njëherë ndodhi para 60 vitesh me ndërtimin e liqenit të Mavrovës, me çka u ndryshua rrjedhja normale e shumë ujërave të pellgut të Radikës, por më planin më të ri nuk do të bëhet vetëm kapja e ujërave të Radikës por do të bëhet tharja totale e këtij lumi. Pasojat e këtij plani nuk përfundojnë me kaq, pasojat janë pjesë e zinxhirit ekologjik. ...

(Lexoni ne faqen 3)




Lumi i Radikës. Foto: Gazmend Kërkuti



Ismail Keta shpallet kampion bote në Taiboks

Një titull për të gjithë shqiptarët

FAQE 12



Historia e panjohur e luznakut, kampioni bote

Akim Manuka, kampioni që nuk njihet...!

NGA: DEFIRIM METHASANI FAQE 13



Maqedonia i shfrytëzon resurset natyrore të qyteteve shqiptare

ELEM ia merr ujërat natyralë Dibrës së Madhe

Dibranët kohëve të fundit janë tejet të shqetësuar dhe indinjuar lidhur me vendimin e Eletro Maqedonisë për ndërtimin e dy hidrocentraleve, njërin te Ura e Boshkut te Dibra e Madhe dhe tjetrin te Fusha e Llukovës në trekëndëshin Maqedoni-Kosovë Shqipëri.

Gazmend Cami, kryetar i Shoqatës Ekologjike "Deshat" në Dibrë të Madhe, thotë se, "Ndërtimi i Hidocentralit te Ura e Boshkut ka ndikim negative, sepse kapja e ujit të Lumit Radikë dhe e përrenjve tjerë dhe futja e tyre në tunelin 9 kilometra të gjatë do ta zvogëlojë sasinë e ujit në këtë segment, do ta zvogëlojë gjithashtu edhe Përroin e Gajres, do të ndikojë negativisht në mundësitë e mbijetesës së llojeve të ndryshme të biodiversitetit, dhe do t'i rrezikojë dukshëm bukuritë natyrore që kësaj zone i japin rrjedhjet e përrenjve".

Ndërkaq sa i takon Hidocentralit në Fushën e Llukovës, shton Cami, "ai do të ndikojë negativisht në biodiversitetin e Parkut nacional të Mavrovës, do ta zvogëlojë rrjedhjen e Lumit Radikë, që konsiderohet lumi më i pastër në Ballkan dhe Evropë me resurse të shumta për zhvillimin e turizmit natyror. Për këtë hidrocentral ujërat që do të kapen nga përrenjtë e Zonës së Dibrës së Madhe dhe me tunel nëntokësor do të dërgohen në akumulimin e liqenit Fusha e Llukovës, dhe nuk do të derdhen më në pellgun e Drinit të Zi në drejtim të Shqipërisë dhe Detit Adriatik, por do të ndërrojnë drejtimin e do të derdhen në pellgun e Lumit Vardar në drejtim të Detit Egje. Po përsëritet e njejta situatë kur para 60 viteve me ndërtimin e Liqenit të Mavrovës u ndryshua rrjedhja natyrale e shumë përrenjve që furnizonin me ujë Lumin Radikë dhe u orientuan në drejtim të Liqenit të Mavrovës dhe të Lumit Vardar. E tërë kjo do të ndikojë edhe në shterjen totale të Lumit Radikë, që është në kundërshtim të plotë edhe me ligjet ndërkombehtarë për shfrytëzimin e ujërave. Zvogëlimi i sasisë së ujit në Lumin Radikë do të ndikojë negativisht edhe në pastrimin e Liqenit të Dibrës nga ndotja që i behet përmes ujërave të zeza që vijnë nga Ohri e Struga nëpërmjet Lumit Drini i Zi", thotë Gazmend Cami.

Hidocentrali te Ura e Boshkut në akumulimin e tij do të kap ujërat e Radikës, të Përroit të Jadovit, Mogorçës, Gajres dhe Jamës.

Hidrocentrali Fusha e Llukovës me akumulimin e tij do të kap ujërat e Radikës, Përroit të Cektë, Guri i Kuq, Niçpur, Grekaj, Përroit të Peshkut dhe Zhuzhnjë.

Është për tu habitur se nuk janë mbajtur as debate të mjaftueshme publike për aspektet ekologjike të këtyre dy hidrocentraleve që do të ndërtohen.

Zvogëlimi sasisë së ujit në Lumin Radikë do të ndikojë negativisht edhe në pastrimin e liqenit të Dibrës, i cili në vazhdimësi ndotet nga ujërat e zeza që nëpërmjet Drinit të Zi vijnë nga Ohri e Struga.

Ky shqetësim i dibranëve vjen gati pas një shekulli, dhe koinçidon me vlijjen e 100



Ndërtimi i Hidocentralit te Ura e Boshkut ka ndikim negative, sepse kapja e ujit të Lumit Radikë dhe e përrenjve tjerë dhe futja e tyre në tunelin 9 kilometra të gjatë do ta zvogëlojë sasinë e ujit në këtë segment, do ta zvogëlojë gjithashtu edhe Përroin e Gajres, do të ndikojë negativisht në mundësitë e mbijetesës së llojeve të ndryshme të biodiversitetit, dhe do t'i rrezikojë dukshëm bukuritë natyrore që kësaj zone i japin rrjedhjet e përrenjve".

Zvogëlimi sasisë së ujit në Lumin Radikë do të ndikojë negativisht edhe në pastrimin e liqenit të Dibrës, i cili në vazhdimësi ndotet nga ujërat e zeza që nëpërmjet Drinit të Zi vijnë nga Ohri e Struga.

Është për tu habitur se nuk janë mbajtur as debate të mjaftueshme publike për aspektet ekologjike të këtyre dy hidrocentraleve që do të ndërtohen.

Nëse Dibrës së Madhe i merren edhe ujërat natyrorë të përrenjve dhe të Lumit Radikë, kjo don të thotë ta çosh këtë qytet legjendar drejt vdekjes së sigurtë. Ndaj duhet ngritur zëri që kjo të mos ndodh.

vjetorit të Shpalljes së Pavarësisë së Shqipërisë, pas së cilës në vitin 1913 Serbia sulmoi e gllabëroi trojet shqiptare sëbashku me Dibrën e Madhe. Këtij gllabërimi i ndihmoi edhe Konferenca e Ambasadorëve në Londër në vitin 1913 dhe Konferenca e Paqes në Paris 1919-20, kur Dibra e Madhe iu dhurua Beogradit, e që sot ka mbetur në Maqedoni. Gjatë vendosjes së kufirit në Krahinën e Dibrës nuk u zbatua as konfiguracioni natyror tokësor dhe as vullneti politik i dibranëve.

Shkrimtarja amerikane Rous Uajder Lein në vitet e 20-ta të shekullit 20-të, në librin e saj "Majat e Shalës", shkruante se "Qyteti i Dibrës iu muar Shqipërisë me vijën kufitare të vitit 1913, siç nxirret sythi i një patateje". Ndërkaq Dimitrije Tucoviq, reformatori serb, në librin "Serbia dhe Shqipëria", duke përshkruar gjendjen e krijuar në viset shqiptare të aneksuara nga Serbia, thotë se, "aneksimi ndau bujkun prej arës, bagëtinë prej kullotës, tufën prej lugjeve, fshatin prej mullirit, blerësin dhe

shitësin nga tregu, rrethin prej qytetit dhe tërë viset malore prej qendrës së tyre ekonomike e hambarët e ushqimit...burimet e jetës u prenë".

Në vitet e 50-ta të shekullit të 20-të Dibra e Madhe ishte Qark dhe adminitronte gjer në Mavrovë. Në vitet e 60-ta po të këtij shekulli Ohri u bë Qark dhe Dibra e Madhe mbeti nën administrimin e Ohrit. Ndarjet territoriale që u bënë gjatë 20 viteve të demokracisë në Maqedoni me krijimin e komunave të reja Mavrovë – Rostushë dhe Qendër Zhupë, Dibra e Madhe pësoi tkurrje tjera territoriale dhe në popullatë. Aktualisht Dibra e Madhe ka mbetur me 145 kilometra katrorë dhe me popullatë prej afër 20 mijë banorë.

Nëse Dibrës së Madhe i merren edhe ujërat natyrorë të përrenjve dhe të Lumit Radikë, kjo don të thotë ta çosh këtë qytet legjendar drejt vdekjes së sigurtë. Ndaj duhet ngritur zëri që kjo të mos ndodh.

Rexhep TORTE

SHENIM

Të shpëtojmë Radikën!

Nga BARDHYL MARKU *

Dibranë të nderuar,
Më rastisi të takohem me disa persona, me të cilët kohë më parë kemi bashkëpunuar në kuadër të aktiviteteve të mia ambientaliste me shoqatën ekologjike "Deshat" Dibrë, të cilët më dhanë një alarm për të cilin mendoj se duhet të senzibilohen të gjithë qytetarët në Dibrë por edhe më gjerë dhe të reagohet në mënyrë adekuate.

Bëhet fjalë për planet e ELEM-it (respektivisht të Z. Çingoski) që si e si të risë profitin e kompanisë të cilën ai e udhëheq, duke mos mare parasysh aspak normat në fuqi për ruajtje të ambientit dhe ligjet pozitive në Maqedoni të cilat rregullojnë këtë sferë.

Dy janë elementet të cilat e tangojnë komunën tonë, ndërtimi i pendës në fushën e Lukovës dhe i asaj në urë të Boshkut.

Lidhur me ndërtimin e urës së Boshkut nuk kam shumë informata dhe nuk e di se cilat do jenë pasojat për Radikën dhe liqenin e Dibrës, por shpresoj strukturat kompetente në Dibrë të jenë më për së afërmi të informuar për këtë plan dhe pasojat e tij qofshin pozitive apo negative.

Ndërtimi i vetë pendës në fushë të Lukovës ndoshta nuk është alarm edhe aq i madh për Dibrën dhe dibranët, pasi ajo do të ndërtohet në pjesë të parkut nacional të Mavrovës, por alarmi për ne ndizet kur kuptojmë se për të furnizuar me ujë këtë pendë të re, do të bëhet kapja e të gjitha ujërave nga pellgjet të cilat sot e furnizojnë lumin e Radikës dhe me kanal special nëntokësor (të gjatë disa kilometra) do ti dërgojnë në liqenin e ri të fushës Lukovës, ndërsa prej atje këta ujëra do vazhdojnë rrugën dhe pasurojnë basenin e lumit Vardar. Pra, po përsëritet diçka e cila njëherë ndodhi para 60 vitesh me ndërtimin e liqenit të Mavrovës, me çka u ndryshua rrjedhja normale e shumë ujërave të pellgut të Radikës, por më planin më të ri nuk do të bëhet vetëm kapja e ujërave të Radikës por do të bëhet tharja totale e këtij lumi. Pasojat e këtij plani nuk përfundojnë me kaq, pasojat janë pjesë e zinxhirit ekologjik. Kjo do të pasohet me zvogëlimin e dukshëm të sasisë së ujit e cila e furnizon liqenin e Dibrës, njëra rrymë e liqenit (ajo e Radikës) thuajse nuk do të ekzistojë në të ardhmen, ndotjet të cilat na vinë sot prej Ohrit dhe Strugës përmes Drinit të Zi nuk do ta kenë në të ardhmen sasinë e domosdoshme të ujit të Radikës i cili ndihmon te dukshëm në pastrimin e Liqenit. Por pasojat do i vërejmë posaçërisht në verë, kur me siguri nivelin e ujit do bjerë në minimum dhe uji i liqenit në pjesën më të madhe verës do jetë i ndotur ndërsa dibranët nuk do të mund të shfrytëzojnë dhe të shijojnë freskinë e liqenit.

Siç do të shihni në dokumentet e bashkangjitura, disa shoqata ekologjike janë duke bërë presion për këtë çështje (edhe pse ata kanë më interesa dhe aspekte tjera) por për ne është i rëndësishëm fati i lumit Radika në të ardhmen.

Në këtë korespondencë janë kopjuar shumë dibranë, pushteti vendor, shoqata të ndryshme etj. Shpresoj të dëgjoj një reagim të përbashkët dhe të fuqishëm në mbrojtje të lumit tonë të Radikës.

Me shpresë se në të ardhmen nuk do shohim lumin e Radikës të tharë.

(Shkrimi i mesipërm është marrë nga forumet sociale në Internet. Titulli është i redaksisë)

edukim

Arsimimi i fëmijëve me nevoja të veçanta në Maqedoni

Nuk ka kushte për mësim

Nga Mr. Dita TORTE

Në Republikën e Maqedonisë viteve të fundit është intensifikuar debati lidhur me mësimin inklusiv në shkollat e rregullta fillore për fëmijët me nevoja të veçanta. Disa mendojnë se mësimi inklusiv mund të aplikohet, ndërsa disa t'ë tjerë mendojnë se për këtë lloj mësimi në Maqedoni ende nuk ekzistojnë kushtet e nevojshme.

Shumë dokumente ndërkombëtare na obligojnë që t'i përfshijmë fëmijët me NAV (nevojat për arsimim të veçantë) në procesin e arsimit sëbashku me fëmijët tipikë, të cilët nuk kanë nevoja të këtilla. Me këta fëmijë duhet të punojnë arsimtarë të stërvitur e të përgatitur posaçërisht për klasët dhe lëndët, ndërsa gjatë kësaj duhet ta kenë edhe ndihmën e personave tjerë profesionistë si (Edukatori special-defektologu, logopedi, fizioterapeuti, pediatri etj.). Këta fëmijë duhet të arsimohen sipas planit program pararak arsimor, të hartuar e të përshtatur sipas nevojave dhe mundësive individuale të nxënësit. Njohuritë tona na tregojnë se në pjesën më të madhe të rasteve inklusioni është formal dhe kryhet vetëm sa për të përmbushur gjendjen numerike të nxënësve në klasë. Nxënësi me NVA (me nevoja të veçanta arsimore) përderisa ndodhet në mësimin klasor, ai thjesht kalon nga klasa ku ndodhet në një klasë më lartë. Probleme më të mëdha paraqiten në mësimin klasor, kur këta nxënës fillojnë të marin nota të dobëta, kur krijohen probleme në sjelljen e tyre dhe një pjesë e tyre vendosin të vijnë në IVA (në institucionin e veçantë arsimor).

Këta fëmijë që vijnë në shkollat fillore në klasën e pestë ose të gjashtë janë të paarsimuar, të pasocializuar, me pasoja të përhershme në aspektin emotiv dhe me periudhë të vonuar të zhvillimit.

Sipas njohurive dhe hulumtimeve tona, gati askush nuk është i kënaqur nga ky model i inklusionit dhe nga kushtet në të cilat realizohet ai, dhe se janë të domosdoshëm adaptimi dhe të përshtaturit.

Shkolla e posaçme fillore "Idnina" në Shkup realizon mësim edukativ arsimor për nxënësit me nevoja të veçanta dhe është shkolla e parë e këtij lloji hde njëherësh është edhe shkolla më e madhe për këtë lloj arsimimi. Kjo shkollë disponon me kushtet teknike, kapacitetet hapësirë dhe resurset kadrovike.

Në shkollat e posaçme fëmijët kanë ndihmën profesionale nga kadri profesionist. Me kalimin në shkollat e rregullta fëmija e humb këtë ndihmë. Në shkollën "Idnina" realizuam një sondazh nëpërmjet intervistave, pyetësorëve dhe testimit me nxënësit që kishin ndjekur mësimin inklusiv në shkollat e rregullta dhe që erdhën në shkollën tone, si edhe me prindërit e këtyre nxënësve. Bëmë një analizë krahasuese të nxënësit që kishin ndjekur mësimin në shkollat e rregullta dhe të nxënësit në shkollën e posaçme. Në këto hulumtime u përfshinë dy grupe me nga 30 nxënës të klasës së V-VIII. Njëri grup ishte me nxënës që kishin ndjekur mësimin në shkollën e rregullt, ndërsa grupi tjetër në SHFP "Idnina". Nga hulumtimet

që i bëmë arritëm në konkluzion se në shkollat e rregullta nuk ekzistojnë kushte kadrovike dhe organizative për realizimin e mësimin inklusiv. Në shkollat e rregullta nuk ekzistojnë kushte materiale dhe teknike. Nxënësit me nevoja të veçanta pengojnë në realizimin e aktiviteteve me nxënësit e tjerë. Nxënësit në shkollat e rregullta pjesërisht i pranojnë fëmijët me nevoja të veçanta. Prindërit pjesërisht bijnë dakord që fëmija i tyre të ketë shok një fëmijë me nevoja të veçanta. Mësimdhënësit në shkollat e rregullta në janë stërvitur sa duhet për implementimin dhe zbatimin e arsimit inklusiv. Inklusioni në shkollat e rregullta nuk kontribuon në arritjen më të suksesshme të diturive dhe nuk ndikon në mënyrë stimuluese të fëmijët me nevoja të veçanta.

Inklusioni nuk i përmbushi dëshirat e prindërve dhe mësimdhënësve. Prindërit pjesërisht, ndërsa mësimdhënësit aspak nuk janë të mendimit se fëmijët me nevoja të veçanta do të ndjeheshin më këndshëm, më të plotësuar dhe me më shumë kreativitet. Prindërit dhe mësimdhënësit u shprehën se nevojiten më shumë forma për ndihmë plotësuese, materiale, organizative - teknike dhe kadrovike. Fëmijët që ishin të përfshirë me arsimin inklusiv kishin mbetur të paarsimuar. Fëmijët që ishin përfshirë me mësimin inklusiv nuk ishin socializuar aqë sa duhet... Fëmijët e përfshirë me mësimin inklusiv kanë çrregullime dhe probleme emotive, si rezultat i talljeve dhe përqeshjeve nga nxënësit moshatarë të tyre. Nxënësit me nevoja të veçanta nuk kanë qenë të pranuar nga mjedisi i nxënësve të tjerë në shkollë. Mësimdhënësit nuk u kushtojnë vëmendjen e duhur fëmijëve me NAV (nevoja arsimore të veçanta). Nuk ka aktivitete cilësore sociale për pranimin e inklusionit në shkollat e rregullta fillore.

Rekomandimet tona për mësimin inklusiv janë se, nevojitet transformim i shkollave fillore të veçanta në qendra ranoanle të resurseve për menaxhim me kuadro përkatëse të nevojshme për arsimin inklusiv. Në shkollat fillore duhet të themelohen komisione për kategorizimin, definimin e parametrave për inklusionin dhe përcaktimin e nevojave arsimore. Përshtatja e sistemit të vlerësimit dhe e dhënies së notave nxënësve me NAV (nevoja arsimore të veçanta arsimore). Aplikimi i inklusionit të kombinuar (lëndë të caktuara do të ndiqeshin në shkollën e posaçme, ndërsa lëndët tjera në IFV (në institucionin fillor të veçantë). Organizimi i aktiviteteve sociale për përfshirjen e nxënësve me NAV (nevoja arsimore të veçanta) në shkollat e rregullta fillore, organizimi i debateve dhe tribunave publike për inklusionin, pranimi i obligimit ligjor për arsimin inklusiv, por me sigurimin paraprak të kushteve në aspektin e ekipimit kadrovik, pajisjes materiale, sigurimit të kushteve teknike dhe aspektit të pranimit social. Pa përmbushjen e këtyre kushteve në Maqedoni nuk mund të kemi mësim inklusiv të suksesshëm, treguan hulumtimet tona të sipërpërmendura.

* Autorja është magjistre e defektologjisë nga Dibra e Madhe, aktualisht jeton e punon në Shkup



Zenel Sula, mësuesi i të gjithëve

Festohet 80-vjetori i mësuesit, drejtuesit të spikatur dhe intelektualit dibran Zenel Sulës.

Më datë 12 nëntor 2011, në lokal "Brahja" Sauk u organizua kremtimi i 80-vjetorit të lindjes të mësuesit, drejtuesit të spikatur dhe intelektualit të shquar dibran Zenel Sulës.

Për të kremtuar këtë jubile 8 dekadësh kishin ardhur shumë vetë nga të gjithë trevat e Shqipërisë, bashkëmoshatarë dhe nxënës të shkollës së mesme "8 Nëntori" Peshkopi.

Në këtë ceremoni jubilarë nderuan me pjesëmarrjen përfaqësuesi i Ministrisë së Arsimit Fadil Kepi si dhe shumë personalitete si Abdi Baleta, Sulejman Tomçini, Natasha Shehu, Mentor Muça etj.

Veprimtarinë jubilarë e hapi studiuesi dhe botuesi Gjetan Strazimiri. Ai ia dha fjalën përshëndetëse z. Shemsi Manjani një nga nismëtarët e organizimit të kësaj veprimtarie, koleg me Zenel Sulën dhe drejtor për pak kohë i shkollës Pedagogjike Peshkopi.

Z. Shemsi Manjani u ndal në jetën dhe veprimtarinë plot arritje e dinjitet të Zenel Sulës dhe nënvizoi se ai si nxënës, si drejtues shkollë, si përkthyes dhe si kuadër kudo që punoi e drejtoi u shqua si intelektual vizionar me formim të plotë dhe i përkushtuar.

Zeneli qe edhe një kuadër shumë human e njerëzor. Askujt nuk i bëri keq, përkundrazi gjatë gjithë jetës së tij u përpoq të bëjë mirë pa cënauar ligjet e shtetit. Ai vuri theksin edhe tek dënimi i pamerituar i Zenel Sulës,

i cili u transferua nga Ministria e Arsimit në një shkollë të fshatit Kurdari të Matit, në një kohë kur universiteti i Tiranës e kërkonte si pedagog të rrallë e me vlera. Për këtë fuksoi çudinë e kolegëve të Ministrisë për këtë ndëshkim: "Mirë ne, po me Zenelin Cfarë patën?" Ishte çudia e madhe e çdo punonjësi të asaj ministrie.

Për kontributin dhe veprimtarinë e Zenel Sulës përshëndeti edhe përfaqësuesi i Ministrisë Arsimit z. Fadil Kepi.

Të pranishmit i përshëndeti dhe falenderoi edhe bashkëshortja e Zenel Sulës, Sanie Sula, për pjesëmarrjen dhe nderin që i bënë në këtë veprimtari mbresëlënëse.

Po kush është Zenel Sula?

Ai lindi në vitin 1931 në një familje të nderuar dhe arsimdashëse të Zerqanit të Dibrës. U dallua në mesin e fëmijëve të atij fshati dhe pati rastin të gjendet në konviktet e para të hapura pas luftës në vendin tonë. Fillimisht në Elbasan dhe pas liti në Peshkopi. Gjatë gjithë kohës shkëlqeu në mësim. Mbaroi shkollën e mesme Pedagogjike shkëlqyeshëm dhe me kujdesin e vet Ministri të Arsimit të kohës Kahreman Ylli u dërgua për studime B.S. Edhe atje me një këmbëngulje e vullnet të rrallë mundi të kapërcejë boshllëqet dhe të mbaroi me rezultate shumë të mira. Pas kthimit në Shqipëri punoi si mësues në shkollën e mesme Pedagogjike Peshkopi, por edhe si drejtor. Qe një nga mësuesit më të kompletuar dhe një nga drejtuesit më të spikatur të kësaj shkolle.

Ish-nxënësi i asaj shkolle Faik Khani kujton: "Zenel Sula ishte drejtor i shkollës së mesme Pedagogjike,

mjeshtër i mësimdhënies që edhe dru të ishte, do të ta hiqte një ashkël dhe do të ta jepte një reze mësimi e diturie."

Zeneli ka përkthyer në shkollën e Lartë të Partisë, ka shoqëruar disa delegacione nga Shqipëria, dhe mësimin e gjuhës shqipe në Bibliotekën Kombëtare, në Radio Moska etj.

Për pak kohë punoi si shef i Seksionit të Kulturës, në Gazetën "Bashkimi", "inspektor i kulturës masive dhe pastaj Shef i Sektorit të Punës me Librin në Ministrinë e Arsimit. Aty veçoi për përgatitje me nivel të lartë të materialeve të asaj ministrie dhe të instancave të larta. Puna i eci mirë dhe për rezultate e arritje të mira u dekorua, gëzoi respekt, mandej dhe u zgjodh edhe në detyra të tjera drejtuese partie në atë digaster.

Me insistimin e drejtorit të shtëpisë Botuese, Thanas Leci dhe ndihmës që dha Haxhi Lleshi u rikthye, pas dënimit, në këtë institucion, ku punoi derisa doli në pension. Atje ai u dallua për punë të mirë, veçanërisht si redaktor i disa botimeve. Gjithashtu punoi me autor të shquar si Steros Spase, Ali Abdihoxha, Sulejman Krasniqi, Teudor Laço e shumë të tjerë duke lënë mbresat më të mira.

Që nga viti 1991 është pensionist dinnjitoz që ndonëse shëndetlig, aktivizohet dhe jep ndihmesën e tij të vyer në këtë komunitet.

Ndaj me të pranishmit, në jubileun e 80-vjetorit të lindjes së tij bashkohet edhe urimi i gjithë anëtarëve të shoqatës "Bashkimi i Përgjithshëm i Pensionistëve të Shqipërisë": "Rrofsh sa më gjatë Zenel Sula, me shëndet të mirë dhe lumturi familjare!"

Faik Khani

"RRUGA E ARBERIT"
merr kopjen tënde

eshte koha per tu pajtuar...
tel efono: (04) 22 33 283

Reportazh nga Mynihu, aty ku
Ismail Keta shpallet kampion bote
në Taiboks

Nga DEFRIM METHASANI

Arena Cirkus, kjo qendër e madhe dhe nga më interesantet sportive në Mynih, ka qenë arena e një sporti të fortë dhe luftarak, si taiboksi, që zbuloi më së fundi edhe një kampion bote nga Shqipëria. Interesimi i medias vendëse dhe asaj shqiptare, në fakt ka nisur ditë më parë, kur dy protagonistët e titullit më të lartë në këtë sport, Jozef Diklouni dhe shqiptarët nga Bulqiza Ismail Keta, kanë dalë para gazetarëve duke treguar ambicjet dhe përgatitjet e tyre. Ismail Keta ose Xhoni, siç njihet në Gjermani, është rikthyer pas shtatë vjetësh në ring si sportist, me të vetmin qëllim, të dalë kampion bote dhe këtë t'ua dedikojë të gjithë shqiptarëve kudo që jetojnë. Ai u është përgjigjur të gjitha pyetjeve, duke thënë se vlerësonte Gjermaninë, vendin ku u bë sportist dhe u afirmua në këtë sport, por në mënyrë të veçantë atdheun e tij, aty ku ka fëmijërinë, prindërit, gjyshërit dhe gjithë njerëzit e tij, mbi të gjitha simbolet kombëtare, për të cilat ndjehet vërtetë krenar. Dhe kjo ditë ka ardhur, në një mbrëmje që vështirë të harrohet, kur mendon atë emocion që pushtoi një amfiteatër sportiv në një mbrëmje gala, ku organizatorët e kishin pagëzuar me emrin: "Keta frigen gala". Në formën e një spektakli, televizioni më i madh jo publik në Gjermani, Sat 1, kishte sjellë para spektatorëve të shumtë, mes të cilëve edhe mjaft shqiptarë, një natë sa sportive, aq edhe argëtuese, për të thyer sadopak atë egërsi të një sporti, si Kik dhe Taiboksi, që është bukur ta shohësh, por vështirë ta bësh... Fillimisht në ring janë ngjitur sportistë të peshave të vogla dhe të mesme. Ndër të shumtët konkurrentë nga vende të ndryshme të botës, si Turqi, Holandë, vendet afrikane, katër prej tyre ishin shqiptarë. Njëri prej tyre që bëri vërtet mrekullinë, ishte Ferit Keta, kushëri i Ismail Ketës, që fitoi bindshëm, duke merituar duartrokitjet e publikut dhe duke treguar se së shpejti ky sportist mund të jetë një kampion i madh. Më pas ka ardhur magjia e kësaj mbrëmje, stari për të cilin media kish folur prej kohës. Xhoni Keta, siç njihet Ismaili atje. Dalja e tij në publikun e shumtë, kthehet në një emocion të paparë, ashtu si vetë ai din të përcjellë te njerëzit mesazhin e të fortit dhe fituesit, mesazhin e një shqiptari të vërtetë. Me dorën që lëvizte hera-herës, dukej se kërkonte të nxitonte drejt ringut dhe sikur i hanin duart për të rrëmbyer sa më shpejt gjerdanin e artë të kampionit. Himni gjerman është shoqëruar me brohoritje edhe nga qindra shqiptarë të pranishëm, që valëvisnin flamurin tonë kombëtar. Një mbrëmje për t'u mbajtur mend, që nis madhërisht, bukur dhe këndshëm, nga një fitues i lindur si Ismaili, që përballë ka kampionin e Europës, hungarezin 32 vjeçar Jozef Dikouni. Grushtet dhe goditjet me këmbë të tij, janë si një breshëri automatiku. Dëmtimi në hundë, pasi kish kaluar një operacion të vështirë e detyron kampionin të mbrohet mirë në kokë dhe të godasë nga poshtë, një taktikë perfekte që e ndihmoi drejt fitores. Epërsia krijohet që në raundin e



Një titull për të gjithë shqiptarët...!

parë... Por pas pushimit në këtë raund, nis beteja e vërtetë në ring. Tashmë demi, që thirret nga gjermanët, nuk mbahet dhe kundërshtari bëhet tabelë qitje, sidomos në pjesën më të dobët, tek këmbët, duke e detyruar heraherës të rrezohet në tokë... Dhe jo pak, por te

herë, ai pas goditjeve të njëpasnjëshme të Ketës, bie në tapet përdhe si një qenie për ta mëshiruar... Bisha nuk ndalet, por vazhdon serinë e goditjeve të tjera, tashmë një tërmet i fuqishëm shpërthen mbi hungarezin, që pranoi këtë sfidë, pasi kundërshtari tjetër rus, më

parë ishte tërhequr... Dhe vjen raundi i tretë, që të duket se akoma pa nisur, mbaron. Goditja rrufe e Ketës ka hedhur nokaut hungarezin, që do t'i duhet kohë për t'u ngritur më pas kësaj rënie, por një kohë, që nuk ka vlerë më për ndeshje, pasi Ismail Keta është fitues i kësaj finaleje dhe meriton me mund, djersë dhe sakrificë titullin më të madh, kampion bote, titull që i mungonte një shqiptari në këtë sport. Një arritje dhe triumf vërtet historik. Pas vendosjes së gjerdanit të artë, Keta ka punë me gazetarët që nuk rreshtin së marri në intervista. Tashmë grupit të xhirimit të TVSH-së i duhet të marrë moment gëzimi dhe entuziazmi, sepse të pranishëm janë edhe miq specialë nga Shqipëria, si kryeakademiku i Shkencave, prof. Gudar Beqiraj, dekani i universitetit të sporteve Mehmet Spahiu, drejtori i programeve në TVSh, Bajram Hoxha, ish portieri i kombëtares sonë Perlat Musta, gazetarja e mirënjohur Tefta Radi, si dhe mjaft figura të spikatura, të pranishëm në këtë moment sa sportiv, aq edhe historik. Pas kësaj fitoreje janë shprehur trajneri që stërviti Ketën dhe presidenti i federatës gjermane. Sipas trajnerit, Melvin Matllov, disa herë kampion bote në peshën e rëndë dhe një nga tetë sportistët më të famshëm, Keta për të është një sportist i lindur për të fituar. Përgatitja e tij ishte mjaft serioze dhe isha i bindur që ai do të fitonte këtë ndeshje. Me këtë ai tregoi se nuk duhet të ndahet nga sporti, por paralelisht, të vazhdojë karrierën si sportist dhe si trajner ku është mjaft i suksesshëm.

Ndërkaq që për presidentin e federatës gjermane të taiboksit, Detlev Tyrnau, Keta është modeli i sportistit dhe njeriut. Falë karakterit dhe sedrës sportive, ai arriti deri këtu. I kisha thënë që duhet të rikthehesh në ring, sepse e kuptoja që kishte shumë energji brenda tij, por edhe cilësi të guximit dhe sedrës së shqiptarit njerëz dhe sport të tillë edhe ne si federatë duhet të ndjehemi krenarë, sepse Xhoni është një vlerë e pazëvendësueshme.

Por me lot në sy, është shprehur edhe akademiku dhe njeriu pasionant i sportit, Prof.dr Gudar Beqiraj, që vlerëson këtë arritje, si një pikë kulminante e ngritjes së vlerave kombëtare në një vend si Gjermania dhe përmes saj kudo në botë. Me nota shumë optimiste është shprehur edhe dekani i sporteve në universitetin e Tiranës, Mehmet Spahiu, që e cilëson tashmë Ketën një figurë shumë të respektuar jo vetëm sportive, por edhe kombëtare. Rikthehem edhe njëherë në ring, në këtë arenë që tregoi me gisht një fitues të madh bote, që ka emrin e një djali nga Bulqiza, që quhet Ismail Keta. Ai menjëherë pas ndeshjes është shprehur se këtë titull ua dedikonte të gjithë shqiptarëve kudo që jetojnë. Kështu shprehej edhe kur e pyesnin gazetarët gjermanë dhe ata të huaj.

Ismail keta është kampioni që tashmë duhet të respektohet edhe nga vetë gjermanët, me të cilët ndau mrekullinë dhe gëzimin e kësaj mbrëmje që kishte emrin e tij, këtë emër që vështirë të harrohet kollaj, tashmë si kampion bote, kësaj here për Gjermaninë, por së shpejti me emrin e Shqipërisë...



Akim Manuka, kampioni që jeton dhe nuk njihet...!


Nga **DEFRIM METHASANI**

Një histori vërtetë interesante, rrëqethëse dhe të duket disi e pabesueshme. Njihet si Akim Manuka, por realisht emri i tij është Hysni. Prejardhja i takon fshatit Luzni të Dibrës, ndërsa aktualisht jeton në Belgjikë. Në vitin 1972 ai shpallet kampion bote në keç në peshën e rëndë dhe që asokohe fitoi shumë famë, duke u bërë një nga mjeshtrit e mbrëmjeve interesante në Bruksel, qytetin ku jeton prej shumë e shumë vitesh. Jeta e tij është e mbushur me ngjarje dhe episode të shumta, mes shkëlqimit, suksesit, prapaskenave dhe halleve të dikurshme. Një patriot që zemra i rreh për atdheun e tij, ashtu si babai i tij Demir Manuka, që nuk jeton, por njihet si një atdhetar i shquar në vite. Pas vitit 1950, familja Manuka arratiset, sepse ishte në kundërshtim me regjimin komunist të asaj kohe. Për afro 15 vjet jetojnë në Maqedoni ose ish Jugosllavi që quhej atëherë. Aty vërtetë kalojnë një jetë plot peripeci, madje kampioni i ardhshëm i botës, punonte në një fermë me panxhar. Pronari, një pasionat i mundjes, organizonte shpesh ndeshje mes djemsh të fortë dhe fituesi meritonte si shpërblim një kavanoz reçel, që ai ia dërgonte nënës për të kaluar një vakt bashkë me familjen e tij. Ky sukses e shoqëronte atë të gjitha ditët e javës, sepse fitonte ndeshjen dhe bashkë me të, fitonte edhe kavanozin e reçelit. Më pas familja ikën nga Maqedonia dhe sistemohet në Belgjikë. Këtu, falë cilësive të tij, ai nis punën në një disko, si ruajtës i qetësisë, falë edhe trupit që filloi t'i bëhej edhe më i bukur dhe muskuloz. Hysniu ishte trim dhe i vendosur. Ai guxonte të ndeshje me çdo lloj kundërshtari. Në një mbrëmje, në një nga lokalet që merreshin me organizime të lojës së keçit, kampioni i skenës kërkon një sfidant nga salla. Hysniu del dhe fiton këtë duel, duke lënë shtangur të gjithë të pranishmit. Që atë mbrëmje ai merr zemër, por tashmë fatin e tij e kishin në dorë menaxheret, që iu vërsulën si shushunja, pasi panë një "peshk" të madh. Një nga shqetësimet e menaxherëve, që më së shumti ishin amerikanë dhe kroatë, ishte emri i tij. Për të rritur marketingun e tij në media, ata vendosën që të ndërrojnë emrin e tij. Por këmbëngulja e të atit ishte tejet e madhe. Demiri, babai i tij, nuk pranonte edhe pse i ofroheshin shuma të mëdha. Tashmë në Bruksel ai ishte një lider në këtë sport dhe ethet për kampion bote kishin nisur. Por kërkohej kjo marrëveshje e emrit. Me shumë vështirësi u gjet një emëruar i përbashkët, që të ishte emri Akim, një hero i një filmi vizatimor në xhungël, që Hysniu e vendosi vetë, pasi menaxherët donin emër jugosllav. Me ndryshimin e emrit nis një histori e re. Falë stërvitjes dhe egos së tij, një mbrëmje e bukur e gjeti atë në SHBA, ku jetoi 3 vjet. Pas shumë garave dhe shfaqjeve brilante vjen edhe dita e titullit kampion bote. Ai kishte sfiduar më parë emra të mëdhenj të botës, si Mauel Soto, Kauzo, Rivera, Evans, etj. Shqiptari, që pakkush e njihet si të tillë, bën famë të madhe dhe pushton faqet e gazetave të asaj kohe. Ishte viti 1972. Por fakti që ai kurrë nuk e mohonte origjinën e tij i prish shumë punë. Në një mbrëmje, kur ai fitonte një tjetër finale të madhe, stafi i tij

Akim Manuka ishte kthyer në një përbindësh që dhuronte spektakël, garë dhe mjeshtëri. Ai ishte bërë personazhi i kohës në sport, por prapaskenat e menaxherëve dhe drejtuesve të sportit shkelën mbi djersën dhe historinë e tij, që u mbyll më shpejt se meritonte ky kampion i madh. Më pas ai rikthehet në Belgjikë, ku vazhdon jetën e tij edhe sot e kësaj dite, tashmë duke u bërë vetë organizator i mbrëmjeve spektakël të keçit në lokalet më të mëdha të Brukselit.

i bën një lojë të habitshme. Katër vajza jugosllave caktohen nga organizatorët që t'i dërgonin lulet në ring kampionit Manuka dhe këtë fitore t'ia faturonin Jugosllavisë. Madje, njëra prej vajzave bie në dashuri me djaloshin shqiptar, i cili pa e ditur nga ishte ajo, pranon ftesën e saj të ndjenjës. Që nga ajo ditë ai u martua dhe jetoi për 25 vjet me vajzën kroate, që e mori për grua dhe lindi 3 fëmijë. Komentatori në ring e quajti Manukën kampionin e luleve, sepse ai, kur mësoi se nga i vinin lulet dhe qëllimin e keq të menaxherëve dhe stafit, nuk e pranoi këtë fitore për hir të ndjenjës patriotike që kishte, por pranoi vetëm lulet, sepse nuk e dinte adresën e tyre nga ishin. Një tjetër mbrëmje e jashtëzakonshme në karrierën e tij ka qenë ndeshja në Montreal të Kanadasë, kur ndeshje dhe fitonte përballë luanit tjetër, Eduardo Karpentier dhe fotot e

Historia e panjohur e një shqiptarit nga Luznia, kampioni bote në keç



kësaj ndeshje do të hapnin faqet e gazetave të kohës. Akim Manuka ishte kthyer në një përbindësh që dhuronte spektakël, garë dhe mjeshtëri. Ai ishte bërë personazhi i kohës në sport, por prapaskenat e menaxherëve dhe drejtuesve të sportit shkelën mbi djersën dhe historinë e tij, që u mbyll më shpejt se meritonte ky kampion i madh. Më pas ai rikthehet në Belgjikë, ku vazhdon jetën e tij edhe sot e kësaj dite, tashmë duke u bërë vetë organizator i mbrëmjeve spektakël të keçit në lokalet më të mëdha të Brukselit. Ai njihet nga të gjithë, si një prej specialistëve dhe njerëzve

më të shquar, por edhe organizatorëve të rrallë, që zbulon talente të tilla në një sport që në Belgjikë është kthyer në kult. Rreth të 70-tave, me një trup që mbahet mjaft mirë, kur e sheh sot, pakkush e beson që pikërisht ky njeri bënte ligjin në vitet '70 në sportin e keçit në gjithë botën.

Një histori vërtetë interesante, por që do të zbulohet pak ditë më pas, kur ai do të bëjë vizitën e tij në Shqipëri dhe do të rrëfejë një jetë misterioze, si një kampion i shpallur dhe i panjohur nga vetë bashkëkombësit e tij, që ai i don me gjithë shpirt...



Mr AKIM MANUKA et EDOUARD CARPENTIER
Combat du Championnat du Monde Poids Lourd
Montréal - Canada



“Nëpërmjet fondeve evropiane në Dibër të Madhe do të arrijë një grup prej 12 të rinjësh nga shkollat e mesme të Normandisë që do të qëndrojnë 10 ditë, me ç’rast do të shoqërohen moshatarët e tyre, ku do të diskutohet për jetën rinore, perspektivat e të rinjve”.

Delegacioni nga Dibra e Madhe vizitoi Francën

Bashkëpunim dhe shkëmbim përvojash

U kthye nga Franca delegacioni nga Dibra e Madhe i kryesuar nga Argëtim Fida, kryetar i komunës Dibra e Madhe, Petrit Imami, kryesues i KK dhe Selim Beqiri, kryetar i komisionit për financa dhe urbanizëm.

Argëtim Fida, lidhur me këtë vizitë para gazetarëve, deklaroi se, “Në bazë të bashkërendimeve paraprake sëbashku dhe Memorandumit për bashkëpunim që nënshkruam në vitin 2008 mes Komunës së Dibrës dhe Komunës If në Normandinë e Poshtme të Francës. Aktiviteti i nisur nga Qeveria e Maqedonisë, Ministria e Pushtetit vendor dhe Rajoni i Normandisë së Poshtme të Francës, Disa komuna nga Maqedonia nisën procedurën e bashkëpunimit me komunat e këtij rajoni. Mes këtyre komunave ishte edhe Komuna Dibra e Madhe, e cila nënshkruajti memorandumimin me Kominën e IF-it. Pas nënshkrimit të memorandumit patëm disa shkëmbime komunikimi për njohje të ndërsjellë dhe vizita në nivel të kryetarëve të këtyre dy komunave në forma delegacionesh. Ky bashkëpunim u shtri edhe në nivel të OJQ-ve. Klubi i Fotografëve “If Imazh” nga Ifi vizitoi Dibërën e Madhe me ç’rast ata bënë fotografi dhe shfaqën një ekspozitë fotografish në Kaen, kryeqytetin e Normandisë së Poshtme dhe në Kominën e If-it, ku paraqitën bukuritë dhe pejsazhet e Dibrës së Madhe. Në Festivalin e sivejmë të Teatrit në Dibër të madhe, erdhën mysafirë një regjisor dhe dy aktorë nga Teatri i If-it, si edhe një grup këngëtarësh nga Normandia e Poshtme, që para publikut dibran u paraqit me një spektër këngësh të bukura.

Vizita e përfaqësuesve të OJQ-ve nga Dibra e Madhe në Kominën If ishte mundësi për shkëmbimin e përvojave me shoqatat simotra të atjeshme për të aplikuar bashkarisht në projektet e BE për shkëmbime rinore”.

Në këtë kuadër, u shpreh Fida, “ne si kryetarë komunash vendosën se ia vlen të nënshkruajmë edhe një kontratë- marrëveshje për bashkëpunim trevjeçar mes dy komunave tona, ku në mënyrë të ndërsjellë kemi marë obligimet për tri vitet e ardhshme. Për këtë qëllim më 9 nëntor të këtij viti në sallën “François Mitteran” në If, në praninë e Zhan Pol Goshar, kryetar i Komunës If, të gjithë këshilltarëve, udhëheqësve të administratës së Komunës If, ku ishin të pranishëm Argëtim Fida, kryetar i Komunës Dibra e Madhe, Petrit Imami, kryesues i KK dhe Selim Beqiri kryetar i Komisionit për Buxhet dhe Urbanizëm, u nënshkruajt kontrata për bashkëpunim në tre vitet e ardhshme. Ky bashkëpunim do të jetë në tri sfera. Në shkëmbimet mes rinisë dhe shoqatave qytetare, në shkëmbimet e përvojave për projektet e kulturës dhe për zhvillim të qëndrueshëm.

Duke folur për zhvillimet e mëtejme, Fida, shtoi se, “ Në këtë drejtim ekspertë nga Dibra e Madhe do ta vizitojnë Kominën If dhe rajonin e Normandisë, për tu njohur me zh-



villimin e qëndrueshëm, përkatesisht si funksionojnë ndërmarrjet komunale, si menaxhohet me mbeturinat, si zbatohet procesi i riciklimit, mbrojtja e ambientit jetësor, shfrytëzimi i resurseve natyrore, si edhe për tu njohur me përvojat e tyre në turizmin kulturor. Me që dy komunat tona janë edhe qytete universitare, Dibra e Madhe me degët e gjuhëve të huaja dhe me Degën e Fizioterapisë, ndërsa If me Degët e Informatikës, telekomunikacionit dhe shkencat precise. Do të informohen dhe do të kenë bashkëpunim të ndërsjellë për mundësitë banjore e rekreative dhe bukuritë e Dibrës, që viteve të ardhshme mund të arrijnë turistët nga Franca. Në Dibër të Madhe për t’i shijuar këto begati, Hotelierët dibranë do të kenë mundësinë që t’i vijojnë kurset e trajnimit në shkollën e mesme më moderne profesionale të hotelierisë e kuzhinierisë në If. Ky bashkëpunim është i frytshëm për dy komunat. Nikoqirët nga Franca shprehën gatishmëri për tu njofitur me tendencat tona për demokritizim edhe nëpërmjet “Forumeve në Bashkësi” për krijimin dhe shpenzimin transparent të buxhetit, në funksion të resurseve publike që

disponojmë në përmirësim të jetës së qytetarëve”.

Rol me rëndësi, theksoi Fida, “do të ketë shkëmbimi i ndërsjellë i vizitave të të rinjve. Nëpërmjet fondeve evropiane në Dibër të Madhe do të arrijë një grup prej 12 të rinjësh nga shkollat e mesme të Normandisë që do të qëndrojnë 10 ditë, me ç’rast do të shoqërohen moshatarët e tyre, ku do të diskutohet për jetën rinore, perspektivat e të rinjve. Pas kësaj një grup i gjimnazistëve dibranë do ta vizitojë Normandinën për tu njohur me aktivitetet dhe jetën rinore në Francë. Në Festivalin e Teatrit në Dibër të Madhe vitin që vjen do të marr pjesë edhe një Teatër nga If-i, ndërsa SHKA “Haki Stërmilli” do të shkojë me një grup folkloric në IF. Këtu është shumë i rëndësishëm edhe aplikimi i përbashkët te fondet evropiane, ku 80 përqind e mjeteve për këto aktivitete mbulohen nga BE. Kjo do tu ndihmojë që të rinjë tanë të hartojnë projekte dhe të aplikojnë sëbashku, duke e ndje veten si pjesë e Evropës., sepse kështu edhe Evropa mund të vjen me nesh”, thanë fund kryetari Argëtim Fida.

Rexhep TORTE

PREZANTOHET BOTIMI I RI I VENKA CAPES Një libër me vlera artistike

Këto ditë, të fundit të nëntorit, në një nga sallatë Muzeut Historik Kombëtar u bë promovimi i librit me poezi “Prek me frymë” të poetes nga Stebleva Venka Capa. Me një pjesëmarrje dinjitoze në fjalën e hapjes nga poetja Fatime Kulli, njëkohësisht dhe redaktorja e librit, foli në detaje për librin “Prek me frymë” për poezitë e saj sa të ndjera aq dhe prekëse, me një përkushtim për të sjellë të lexuesi me sa më shumë emocione e të besueshme. Për librin foli dhe prof. Murat Gecaj, i cili vuri në dukje disa nga vlerat e poezisë së poetes, Venka Capa.

Në këtë takim foli dhe bashkëfshatari i saj, studiuesi dhe ish kryeredaktori i gazetës “Ushtima e Maleve” Velo Çfarku.

Edhe shkrimtari Kolec Tarabani, foli për vlerat ideo-artistike të librit ndërsa shkrimtari Albert Zholi u ndal në tema-



tikën e poezive të këtij libri, duke e përgëzuar autoren për temat sociale, e cila i trajton në poezitë e saj. Me mjaft interes u prit edhe fjala e poetes Ilirjana Sulkuqi e cila foli jo vetëm për librin e poezitë, por dhe për Venkës si njeri, që ndonëse me aftësi të kufizuara, gjen forcën dhe guximin të jetojë jetën me dinjitet.

Me mjaft emocion është edhe diskutimi i poetes nga Mati Adi-

PREZANTOHET LIBRI “DINJITET PËRBALLË INTRIGËS”

Ditën e premte, më 4 nëntor 2011, në sallën e Teatrit të Operave dhe Baletit në kryeqytet u mbledhën në këtë promovim me shumë se 200 pjesëmarrës, fugura të shqura të penës, të artit e të kulturës, personalitete të larta të fushës së arsimit, jurispondencës, politikës e të gazetarisë, të cilët recensuan e diskutuan rreth vlerave të librit “Dinjitet përballë intrigës” të autorëve Faik Xhoni e Ilmi Dervishi.

Si nga referuesit ashtu edhe nga diskutantët u vu në dukje:

Libri “Dinjitet përballë intrigës” është një libër i thjeshtë e modest që i kushtohet një njeriu që çau sfidat e jetës dhe mundi të mposht intrigat e regjimit komunist dhe njerëzve servilë e intrigantë. Ai është Shaban Dervishi nga Lugjejt e Zall-Dardhës së Dibrës. Në faqet e këtij libri përcillet jeta dhe kontributi i këtij njeriu që nga fëmijëria si yzmeqar në dyerët e pasanikëve të Tiranës e derisa arrin të bëhet një kuadër i zot, me emër e me zë. Libri jep me hollësi dëshmi e fakte arkivore e memoristike për intrigat, thashethemet, sajaset e kurthet që i ngritën njerëz smirëxhinj, kuadro pa nivel e dashakeqës deri në strukturat më të larta të partisë Shaban Dervishit. Ky njeri i ndershëm, i përkushtuar dhe i pastër nuk pranoi kurrë të paqenat e akuzat, punoi si më mirë, gëzoi respekt e mirënjohje nga gjithë ajo trevë dhe kudo që punoi e shërbeu. Këmbëngulja, vullneti i pathyeshëm dhe e drejta e tij bënë që gjërat të sqarohen e të shkojnë në hullinë e duhur, por Shabani dhe familja e tij u stërmunduan, vuajtën tmerrësisht, psikologjikisht, por edhe ekonomikisht. Disa prej tyre humbën të drejtën e shkollimit e të ecjes përpara megjithatë nuk u dhanë, nuk u përkulën dhe i përballuan me dinjitet jetës.

Personazhi kryesor i librit është Shaban Dervishi i Lugjejt të Dibrës. Ai është modeli i njeriut të pastër, të pakomprometueshëm, besnik i idealeve, i devotshëm e i gatshëm për të bërë gjithçka për të mirën e vetes, familjes, popullit dhe kombit.

E rëndësishme është, se libri është pasuruar me shumë materiale arkivore, të cilët i japin frymëmarrje, besueshmeri, seriozitet dhe vlera.

Për vlerat ideo-artistike të këtij libri referuan potesha Fatime Kulli, studietit e publicistët Velo Çfarku e Mevlud Buci. Gjithashtu mendime me vlerë dhanë edhe prof. Nuri Abdiu, drejtuesit e shoqatave joqeveritare si Servet Tartari, Kujtim Çerpja, Agron Gjedra, Enver Hasa, Miftar Fana, Rustem Pira, Hysen Dervishi, Agim Marqeshi etj.

Autori Faik Xhoni si dhe personazhi kryesor i librit Shaban Dervishi përsëritet pjesëmarrësit si dhe referuesit për vlerësimet e përfundimet që sollën për vlerat e librit.

Përsëritet dhe vlerësim të veçantë pati për djalin e talenuar, me fantazi të mrekullueshme e me një cilësi të lartë bouese Bujar Karoshin. Ai së bashku me stafin e tij është bërë një nga modelet më të mirë të botimit dhe përhapjes së librit në Shqipëri.

Hijeshin dhe bukurinë këij tubimi promovues ia shtoi prezantimi i spikatur nga gazetari i mirënjohur i RTSH, z. Dëfrim Methasani si dhe këngëtarët e mirënjohur dibranë Lirie Rasha, Qerim Sula e Sherif Dervishi.

Nën tingujt e bukur të këngës së Hajredin Pashës dhe dhurimit e tufave me lule z. Shaban Dervishi dhe autorëve Faik Xhoni e Ilmi Dervishi u mbyll ky aktivitet shumë pikant dhe mbresëlënës.

/Abdulla Dushku



Në lirizmin e 70 poezive të këtij vëllimi, dallohet qartë mendime origjinale që përkohet nga një shqetësim i natyrshëm i një vajze me probleme shëndetësore, por që ka guximin të ecë e sigurtë në radhën e bashkëmosh-tarëve, e motivuar nga bukuritë e kësaj jete

Qendra Kulturore Gramsh fiton festivalin e 17-të të Odës Dibrane

Më 18 nëntor, në qytetin e Peshkopisë u organizua edicioni I 17-të i Odës Dibrane. Në këtë vepër tradicionale etnokulturore morën pjesë Ansambli "Fluturat" Gjilan, Qendra Kulturore Mat, Ansambli "Josip Relat" Podujevë, SHKA "Hibe Palikuqi" Shkup, Ansambli "Shote Galica" Drenasi, Ansambli "Zeri i Bilbilit" Sarandë, Qendra Kulturore Bulqizë, Qendra Kulturore "Vëllezërit Çetiri" Gramsh, Ansambli "Gora" Korçë, si dhe SHKA "Jehona e Malësisë së Sharrit" Tetovë.

Festivali i parapriu një paradë e kostumeve popullore mbajtur para Pallatit të Kulturës

Ansambli "Fluturat" i Gjilanit, me udhëheqës artistik Xhemajl Berisha, u paraqit me materialet "Melodi me gajde", "Shengjergjat po sillen", "Melodi me çifteli", "Pyet Kosova për një çike", Valle "Ngucaveli", etj.

Ansambli "MATI" Burrel u paraqit me "melodi baritore" dhe Kolazh vallesh.

Ansambli "JOSIP RELA", Podujeve u paraqit me "Valle popullore "Gajdexhiu", dhe këngët "Fryni era u çel taraba", "Prej Podrimës po vjen haberi", "Këndo o zogu i malit", "Në Dardani rreh një tupan", Kënga humoristike "Na këndo një këngë shqiptare" dhe vallja popullore Baresha.

SHKA "HIBE PALIKUQI" Shkup u paraqit me "Nuk din nana qysh me martu djalin", "Këngë për komandant Mjekarën" si dhe "Lamtumir o moj nene loke"

Ansambli "SHOTE GALICA" Drenas Kosove, me udhëheqës artistik Shaqir Hasi u paraqit me "Këngë për Universitetin", "Kosovë o vendi im i bukur", "Unë jetime e Kosovës", "Flijimi" dhe "Vashezo".

Ansambli "ZERI I BILBILIT" Sarandë u paraqit "Ç'më zuri sevdaja si një djalë i ri", "Ara e Abazit në grope", "Qaj kalaja mbi Sarandë", "Melodi me fyell" dhe "Moj nerenxë grykë zënë".

Qendra Kulturore Bulqizë me udhëheqës artistik Besnik Koçi dhe drejtoreshë Natasa Gjoka u paraqit me "Këngë për Baba Fejzën", valle dyshe burrash të trevës së



Gjoricës dhe Gollobordës, këngën "Moj fushë e Vajkalit", "Trimat e Vajkalit"

Qendra Kulturore "VELLEZERIT ÇETIRI" Gramsh u paraqit me "O Alush o mjekër shtupe", "Kënga e iriqit", "Shkonte dhendëri tek vjehrra", "Me erdhën ca miq për darke", "Plesht or plesht or qerrata".

Ansambli "GORA" Korçë solli në këtë festival një valle tradicionale të burrave të Gorës, valle dyshe grash si dhe këngët "Ky fustani jotë", "Çobankat kur shkojnë zallit" dhe "N'ate mal ku fryn veriu"

SHKA "Jehona e Malësisë së Sharrit" Tetovë dollën vallet "Riti i Kulaçit", Valle Kalanxhoj, Valle Shqiponja, dhe këngët "Djemtë e Sinan Orashës" dhe "Cucat e Katunit"

Çmimin e parë të Festivalit e mori "Qendra Kulturore Gramsh" ndërsa

me çmimin e dytë u nderua ansambli "Jehona e Malësisë së Sharrit" Tetovë dhe te tretin Ansambli "Zeri i bilbilit" Sarandë.

Të gjitha grupet pjesëmarrëse u vlerësuan me logon e Odës për numrin më të mirë të programit të tyre.

Festivali i Odës Dibrane u organizua nga Qendra Kulturore Peshkopji, me drejtor Veli Vranici, regjinjë të Behar Merës dhe udhëheqës artistik Përparim Tomcini. Edhe këtë vit, festivali u mbështet nga Ministria e Kulturës, bashkia Peshkopi dhe sponsorë të tjerë si: "RISKU" sh.p.k., "NDREGJONI" sh.p.k., "PRO-GIPS" sh.p.k., "DAJTI CONSTRUCTION" sh.p.k., Hotel "KORABI" Peshkopi, Hotel "VERI" Peshkopi, Hotel "BALLKAN" Peshkopi, Pub "PIAZZA", Hotel "BRUKLIN", "M&B - Botime dhe Studio Grafike"



Mentor Hoxha prezanton librin "Lirika nga Evropa"

Në shkollën "Murat Toptani" në Tiranë u promovua libri "Lirika nga Evropa" i poetit dhe gazetarit të mirënjohur Mentor Hoxha. Morën pjesë nxënësit dhe mësuesit ekësaj shkolle, Qani Çela, Fatime Cufa, dhe Agim Xhelili. E ftuar nderi ishte inspektorja e Drejtorisë Arsimore Diana Dajko (Boçi). Një promovim i veçantë me recitime dhe vlerësime për autorin dhe lirikën e tij të mrekullueshme plot muzikalitet, figuracion dhe gjetje letrare. Drejtori i shkollës Arben Beli, falenderoi autorin për pjesëmarrjen, si dhe nxënësit e tij për spektaklin dhe entuziazmin që dhuruan në sallë përmes duartrokitjeve dhe recitimeve plot ndjenjë dhe talent nga Sara Kola, Armela Alushi, Taibe Muhameti, Dajana Karaj, Xhanina Seferi, Doruntina Lika, Hajrie Kola, Ariel Losha, Xhesika Qelhaka, Xhoi Çeka, Adelina Peshtanjaku, Megi Senka, Teuta Sulejmani, Eglantina Ibra, Joana Bilo, Daniel Shabhasa, Jonida Çuko dhe Ilda Mcini. Të pranishmit e shumtë u njohën me artikujt që mediat kryesore kanë shkruar për autorin dhe 7 librat e tij. Mbi vlerat ideartistike të librit foli gazetari, poeti, fabulisti dhe mësuesi i dalluar Mevlud Buci. Ai e quajti autorin,

pasardhës të Eseninut dhe Lasgush Poradecit. Mentor Hoxha, që shoqërohej nga bashkëshortja, falenderoi për mikëpritjen e ngrohtë drejtorin e shkollës, mësuesit, recituesit dhe auditorin që me duartrokitjet dhe interpretimin e poezive të tij, i dhanë këtij takimi ngrohtësi dhe jetë. "Kam marrë pjesë në shumë promovime të rëndësishme letrare me të ftuar VIP, -tha në fjalën e tij autori, por ky takim i mrekullueshëm me ju, më emocionoi shumë për disa arsye. E para, me kujtoi vitet e gjimnazit kur publikoja poezitë e para në gazeta, e më pas, vitet e mia si mësues i letërsisë në gjimnaz. E dyta, ngrohtësinë, duartrokitjet dhe emocionet që më dhatë ju nuk i kam marrë as në auditoret e mëdha, pasi bota juaj shpirtërore është e çiltër ashtu si shpirti im dhe lirikën e mia. Pra, le të shërbejë ky takim me ju me ju, si starti i një takimi të mrekullueshëm në jetë për të mos patur kurrë finish. Le të shërbejë si urë lidhëse mes nesh për të mos u shkëputur kurrë më nga njëri-tjetri, si simbol i respektit dhe mirënjohjes reciproke. Në fund nxënësit dhe pjesëmarrësit kërkuan shumë autografe nga autori dhe bënë shumë fotografi me të.



Mentor Hoxha, Poradeci dhe Esenini i Dibrës

Nga Mevlud BUCI*

Çdo lexues e studiues që lexon krijimtarinë poetike të Mentor Hoxhës, ndjen prushin e mallit dhe bukurinë e fjalës. Nuk është apak hiperbolë nëse themi se poeti lirik Mentor Hoxha është një pasues i denjë i lirikut të madh shqiptar, Lasgush Poradeci dhe atij rus Sergei Esenin. E themi këtë, sepse krijimtaria disavjeçare e poetit Hoxha, krahas tematikës së larmishme për dashurinë njerëzore karakterizohet nga një forcë shprehëse me vlerë të rralla edukative plot prushë malli. Në të gjitha strofat e tij mbisundon poetika, figuracioni mjeshhtëror, paralelizmi, metaforat, krahasimet, simbolet dhe mjeshhtëria artistike e përshkrimit dhe portretizimit. Autori shkruan me stilin esenian duke na dhënë bukurinë dhe fisnikërinë e dashurisë.

(*Marrë me shkurtime nga gazeta "Republika", datë 6 Nëntor 2011, faqe 16).


kape kohën...



botime & studio grafike

00355 4 22 33 283
069 20 68 603
mbotime@gmail.com

Biblioteka e autorëve dibranë*



Këto dhe shumë botime të tjera të autorëve dibranë mund t'i gjeni pranë librarisë "M&B"

Adresa: Rruga "Zenel Baboci", Pall. Ferar, Tiranë (Pranë Selvisë)
 Tel. 00355 4 22 33 283.
 Cel. 069 20 68 603
 e-mail: mbbotime@gmail.com



* Janë reklamuar vetëm botimet që mund t'i gjeni pranë librarisë "M&B"